



30. juli 2009

Inatsisartut suleriaasianni § 36 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq: Atuarfitsialammi ilinniarfinnilu soraarummeernerni ilinniartitsisup censorilluunniit qallunaajunera allatulluunniit oqaaseqarnera apeqqutaatinnagu, atuartut ilinniartulluunniit namminneq oqaatsitik atorlugit misilitsinnissaannut pisinnaatitaaffiat qulakkeerniarlugu Naalackersuisut peqquneqarnissaannik Inatsisartut upernaakkut ataatsimiinneranni 2007-mi saqqummiussara amerlanerussuteqartunik akuersissutigineqartoq, inatsisitigut malitseqartinneqarsimanerluni?

(Inatsisartunut ilaasortaq Doris Jakobsen, Siumut)

Naliginnaasuvoq meeqqat atuarfiini aammalu ilinniarfinni soorlu GU-ni, Ilinniarfissuarmi aammalu ilinniarfinni allani atuartut ilinniartullu kalaallisut namminneq oqaatsitik atorlugit misilitsissinnaasannginnerat censorip imaluunniit ilinniartitsisup qallunaatut oqaaseqarnera pissutigalugu. Akerlianik atuartut ilinniartulluunniit qallunaatut oqaasillit misilitsinnermi kalaallisut oqalunnissaannik piunasaqarfigineqarneq ajorput taamaattumillu kalaallisut oqaasilinnit periarfissagissaarnerusarlutik. Tamanna tunngavigalugu Inatsisartut upernaakkut ataatsimiinneranni 2007-mi aalajangiiffigisassamik saqqummiussinikuuvunga amerlanerussuteqartunik akuersissutigineqartumik. Tamanna tunngavigalugu Naalackersuisunut apeqquteqaateqarpunga siunnersuut akuerineqarnikoq inatsisitigut malitseqartinneqarsimansoq?